

周禮

特279

特279-125




5

別室閲覧

× 複写

原本を出納する  
(複写は別室にて  
全冊マイクロフィルムから)

第四千四百廿八號



始



明治元辰補

周禮鄭箋

積玉圃

特 279  
125

周禮序

唐朝散大夫行太學博士弘文館學士賈公彥撰

夫天育蒸民無主則亂立君治亂事資賢輔但天皇地皇之日無  
事安民降自燧皇方有臣矣是以易通卦驗云天地成位君臣道  
生皆有五期輔有三名註云三名公卿大夫又云燧皇始出握機  
矩表計實其刻日蒼牙通靈昌之成孔演命明道經註云拒燧皇  
謂人皇在伏羲前風姓始王天下者斗機云所謂人皇九頭兄弟  
九人別長九州者也是政教君臣起自人皇之世至伏羲因之故  
文耀鉤云伏羲作易名官者也又案論語撰考云黃帝受地形象



明治十九年五月七日上野部文信



唐禮 月  
天文以制官伏羲已前雖有三名未必具立官位至黃帝名位乃具是以春秋緯命曆序云有九頭紀時有臣無官位尊卑之別燧皇伏羲既有官則其間九皇六十四民有官明矣但無文字以知其官號也案左傳昭十七年云秋郊子來朝公與之宴昭子問焉曰少皞氏鳥名官何故也杜氏註云少皞金天氏黃帝之子已姓之祖也郊子曰吾祖也我知之管者黃帝氏以雲紀故爲雲師而雲名註云黃帝軒轅氏姬姓之祖也黃帝受命有雲瑞故以雲紀事百官師長皆以雲爲名號縉雲氏蓋其一官也炎帝氏以火紀故爲火師而火名註云炎帝神農氏姜姓之祖也亦有火瑞以火

紀事名百官也共工氏以水紀故爲水師而水名註云共工以諸侯霸有九州者在神農前大皞後亦受水瑞以水名官也大皞氏以龍紀故爲龍師而龍名註云大皞伏羲氏風姓之祖也有龍瑞故以龍命官也我高祖少皞摯之立也鳳鳥適至故紀於鳥故爲鳥師而鳥名又云鳳鳥氏歷正之類又以五鳥五鳩九扈五雉並爲官長亦皆有屬官但無文以言之若然則自上以來所云官者皆是官長故皆云師以目之又云自顓頊以來不能紀遠乃紀於近是以少皞以前天下之號象其德百官之號象其徵顓頊以來天下之號因其地百官之號因其事事卽司徒司馬之類是也若

然前少皞氏言祝鳩氏爲司徒者本名祝鳩言司徒者以後代官  
況之自少皞以上官數略如上說顓頊及堯官數雖無明說可略  
而言之矣案昭二十九年魏獻子曰社稷五祀誰氏之五官蔡墨  
對曰少皞氏有四叔曰重曰該曰修曰熙實能金木及水使重爲  
句芒該爲蓐收修及熙爲玄冥世不失業遂濟窮桑此其三祀也  
註云窮桑帝少皞之號也顓頊氏有子曰犁爲祝融共工氏有子  
曰句龍爲后土此其二祀也后土爲社稷田正也有烈山氏之子  
曰柱爲稷自夏以上祀之周棄亦爲稷自商以來祀之故外傳犁  
爲高辛氏之火正此皆顓頊時之官也案鄭語云重犁爲高辛氏

火正故堯典註高辛氏之世命重爲南正司天犁爲火正司地以  
高辛與顓頊相繼無隔故重犁事顓頊又事高辛若稷契與禹事  
堯又事舜是以昭十七年服註顓頊之下云春官爲木正夏官爲  
火正秋官爲金正冬官爲水正中官爲土正高辛氏因之故傳云  
遂濟窮桑窮桑顓頊所居是度顓頊至高辛也若然高辛時之官  
唯有重犁及春之木正之等不見更有餘官也至於堯舜官號稍  
改楚語云堯復育重犁之後重犁之後卽羲和也是以堯典云乃  
命羲和註云高辛之世命重爲南正司天犁爲火正司地堯育重  
犁之後羲和氏之子賢者使掌舊職天地之官亦紀於迄命以

周禮  
民事其時官名蓋曰稷司徒是天官稷也地官司徒也又云分命  
羲仲申命羲叔分命和仲申命和叔使分主四方註仲叔亦羲和  
之子堯既分陰陽四時又命四子爲之官掌四時者字曰仲叔則  
掌天地者其曰伯乎是有六官案下驩堯曰共工註共工水官也  
至下舜求百揆禹讓稷契暨咎繇帝曰棄黎民阻饑汝后稷播時  
百穀註稷棄也初堯天官爲稷又云帝曰契百姓不親汝作司徒  
又云帝曰咎繇汝作士此三官是堯時事舜因禹讓述其前功下  
文云舜命伯夷爲秩宗舜時官也以先後參之唯無夏官之名以  
餘官約之夏傳云司馬在前又後代況之則羲叔爲夏官是司馬

也故分命仲叔註云官名蓋春爲秩宗夏爲司馬秋爲士冬爲共  
工通稷與司徒是六官之名見也鄭玄分陰陽爲四時者非謂時  
無四時官始分陰陽爲四時但分高辛時重稷之天地官使兼主  
四時耳而云仲叔故云掌天地者其曰伯乎若然堯典云伯禹作  
司空四時官不數之者鄭云初堯冬官爲共工舜舉禹治水堯知  
其有聖德必成功故改命司空以官名寵異之非常官也至禹登  
百揆之任捨司空之職爲共工與虞故曰垂作共工益作朕虞是  
也案堯典又云帝曰疇咨若時登庸鄭註云堯末時羲和之子皆  
死庶績多闕而官廢當此之時驩堯共工更相薦舉下又云帝曰

四岳湯湯洪水有能俾又鄭云四岳四時之官主四岳之事始羲和之時主四岳者謂之四伯至其死分岳事置八伯皆王官其八伯唯驩兜共工放齊骸四人而已其餘四人無文可知案周官云唐虞稽古建官惟百內有百揆四岳則四岳之外更有百揆之官者但堯初天官爲稷至堯試舜天官之任謂之百揆舜卽真之後命禹爲之卽天官也案尚書傳云惟元祀巡狩四岳八伯註云舜格文祖之年堯始以羲和爲六卿春夏秋冬者并掌方岳之事是爲四岳出則爲伯其後稍死驩兜共工求代乃置八伯元祀者除堯喪舜卽真之年九州言八伯者據畿外八州鄭云畿內不置伯

鄉遂之吏主之案明堂位云有虞氏官五十夏后氏官百殷二百周三百鄭註云有虞氏官蓋六十夏百二十殷二百四十周三百六十不得如此記也昏義云三公九卿二十七大夫八十一元士鄭云蓋夏制依此差限故不從記文但虞官六十唐則未聞堯舜道同或皆六十并屬官言之則皆有百故成王周官云唐虞建官惟百也若然自高陽已前官名略言於上至於帝嚳官號略依高陽不可具悉其唐虞之官惟四岳自揆與六卿又堯典有典樂納言之職至於餘官未聞其號夏官百有二十公卿大夫元士具列其數殷官二百四十雖未具顯案下曲禮云六大五官六府六工

之等鄭皆云殷法至於屬官之號亦蔑云焉案昏義云三公九卿者六卿并三孤而言九其三公又下兼六卿故書傳云司徒公司馬公司空公各兼二卿案顧命太保領冢宰畢公領司馬毛公領司空別有芮伯爲司徒彤伯爲宗伯衛侯爲司寇則周時三公各兼一卿之職與古異矣但周監二代郁郁乎文所以象天立官而官益備此卽官號沿革粗而言也

### 序周禮廢興

周公制禮之日禮教興行後至幽王禮儀紛亂故孔子云諸侯專行征伐十世希不失鄭註云亦謂幽王之後也故晉侯趙簡子見儀皆謂之禮孟僖子又不識其儀也至於孔子更修而定之時已不具故儀禮註云後世衰微幽厲尤甚禮樂之書稍稍廢棄孔子曰吾自衛反於魯然後樂正雅頌各得其所謂當時在者而復重雜亂者也惡能存其亡者乎至孔子卒後復更散亂故藝文志云魯仲尼沒微言絕七十二弟子喪而大義乖諸子之書紛然散亂至秦患之乃燔滅文章以愚黔首又云禮經三百威儀三千及周

唐禮 卷九  
之衰諸侯將踰法度惡其周亡滅去其籍自孔子時而不具至秦  
大壞漢興至高堂生博士傳十七篇孝宣世后倉最明禮戴德戴  
聖慶普皆其弟子三家立于學官案儒林傳漢興高堂生傳禮十  
七篇而魯徐生善爲容孝文時徐生以容爲禮官大夫而瑕丘蕭  
奮以禮至淮揚太守孟卿東海人也事蕭奮以授后倉后倉說禮  
數萬言號曰后氏曲臺記授戴德戴聖鄭云五傳弟子則高堂生  
蕭奮孟卿后倉戴德戴聖是爲五也此所傳者謂十七篇卽儀禮  
也周官孝武之時始出秘而不傳周禮後出者以其始皇特惡之  
故也是以馬融傳云秦自孝公已下用商君之法其政酷烈與周

官相反故始皇禁挾書特疾惡欲絕滅之搜求焚燒之獨悉是以  
隱藏百年孝武帝始除挾書之律開獻書之路旣出於山巖屋壁  
復入于秘府五家之儒莫得見焉至孝成皇帝達才通人劉向子  
歆校理秘書始得列序著于錄略然亡其冬官一篇以考工記足  
之時衆儒並出共排以爲非是唯歆獨識其年尚幼務在廣覽博  
觀又多銳精于春秋末年乃知其周公致太平之迹迹具在斯奈  
遭天下倉卒兵革並起疾疫喪荒弟子死喪徒有里人河南緱氏  
杜子春尚在永平之初年且九十家于南山能通其讀頗識其說  
鄭衆賈逵往受業焉衆達洪雅博聞又以經書記轉相證明爲解



唐禮 月  
遠解行於世衆解不行兼攬二家爲備多所遺闕然衆時所解說  
近得其實獨以書序言成王旣黜殷命還歸在豐作周官則此周  
官也失之矣遠以爲六鄉大夫則冢宰以下及六遂爲十五萬家  
緝千里之地甚謬焉此比多多吾甚閱之久矣六鄉之人實居四  
同地故云緝千里之地者誤矣又六鄉大夫冢宰以下所非者不  
著又云多多者如此解不著者多又云至六十爲武都守郡小少  
事乃述平生之志著易尚書詩禮傳皆訖惟念前業未畢者唯周  
官年六十有六目瞑意倦白力補之謂之周官傳也案藝文志云  
成帝時以書頗散亡使謁者陳農求遺書于天下詔光祿大夫劉

向校書經傳諸子詩賦向輒條其篇目撮其指意錄而奏之會向  
卒哀帝復使向子歆卒父業歆於是總羣書奏其七略故有六藝  
七略之屬歆之錄在於哀帝之時不審馬融何云至孝成皇帝命  
劉向子歆考理秘書始得列序著於錄略者成帝之時蓋劉向父  
子並被帝命至向卒哀帝命歆卒父所修者故今文乖理則是也  
故鄭玄序云世祖以來通人達士大中大夫鄭少贛名興及子大  
司農仲師名衆故議郎衛次仲侍中賈君景伯南郡太守馬季長  
皆作周禮解詁又云玄竊觀二三君子之文章顧省竹帛之浮辭  
其所變易灼然如晦之見明其所彌縫奄然如合符復析斯可謂

雅達廣攬者也然猶有參錯同事相違則就其原文字之聲類考訓詁摭秘逸謂二鄭者同宗之大儒明理于典籍猶識皇祖大經周官之義存古字發疑正讀亦信多善徒寡且約用不顯傳于世今讚而辨之庶成此家世所訓也○其名周禮爲尚書周官者周天子之官也書序曰成王既黜殷命滅淮夷還歸在豐作周官是言蓋失之矣案尚書盤庚康誥說命泰誓之屬三篇序皆云某作若干篇今多者不過三千言又書之所作據時事爲辭君臣相誥命之語作周官之時周公又作立政上下之別正有一篇周禮乃六篇文異數萬終始辭句非書之類難以屬之時有若茲焉得從

諸又云斯道也文武所以綱紀周國君臨天下周公定之致隆平龍鳳之瑞然則周禮起於成帝劉歆而成于鄭玄附離之者大半故林孝存以爲武帝知周官末世瀆亂不驗之書故作十論七難以排棄之何休亦以爲六國陰謀之書唯有鄭玄徧覽羣經知周禮者乃周公致太平之迹故能答林碩之論難使周禮義得條通故鄭氏傳曰玄以爲括囊大典網羅衆家是以周禮大行後王之法易曰神而化之存乎其人此之謂也



冢宰治官之職

小宰

宰夫

宮正

宮伯

卷四

冢宰治官之職

膳夫

庖人

內饗

外饗

亨人

甸師

獸人

斂人

鼈人

腊人

卷五

冢宰治官之職

醫師

食醫

疾醫

瘍醫

獸醫

酒正

酒人

漿人

凌人

籩人

卷六

冢宰治官之職

醢人

醢人

鹽人

冢人

宮人

掌舍

幕人

掌次

大府

玉府

內府

外府

司會

卷七

冢宰治官之職

司書

職內

職歲

職幣

司裘

掌皮

內宰

內小臣

閹人

寺人

內豎

九嬪

卷八

冢宰治官之職

世婦

女御

女祝

女史

典婦功

典絲

典枲

內司服

縫人

染人

追司

屨人

夏采

卷九

地官司徒第二

經一條

司徒教官之屬

大司徒至豪人凡七十九

卷十

司徒教官之職

大司徒

卷十一

司徒教官之職

小司徒

鄉師

卷十二

司徒教官之職

鄉大夫

鄉老附

州長

黨正

族師

閭胥

比長

封人

鼓人

舞師

卷十三

司徒教官之職

牧人

牛人

充人

載師 閭師 縣師  
遺人

卷十四

司徒教官之職

均人 師氏 保氏  
司諫 司救 調人  
媒氏 司市

卷十五

司徒教官之職

質人 廩人 胥師

賈師 司斲 司稽

胥 肆長 泉府

司門 司關 掌節

遂人 遂師 遂大夫

縣正 鄙師 鄙長

里宰 鄰長

卷十六

司徒教官之職

旅師

稍人

委人

土均

草人

稻人

土訓

誦訓

山虞

林衡

川衡

澤虞

迹人

巾人

角人

羽人

掌葛

掌染草

掌炭

掌茶

掌蜃

甸人

場人

廩人

舍人

倉人

司祿

司稼

春人

饔人

豪人

卷十七

春官宗伯第三

經一條

宗伯禮官之屬

大宗伯至家宗人凡六十九

卷十八

宗伯禮官之職

大宗伯



卷十九

宗伯禮官之職

小宗伯

肆師

鬱人

鬯人

卷二十

宗伯禮官之職

雞人

司尊彝

司几筵

天府

典瑞

卷二十一

宗伯禮官之職

典命

司服

典祀

守祧

世婦

內宗

外宗

卷二十二

宗伯禮官之職

冢人

墓大夫

職喪

大司樂

卷二十三

宗伯禮官之職

樂師 大胥 小胥

大師 小師 鼗

眡瞭 典同

卷二十四

宗伯禮官之職

磬師 鐘師 笙師

搏師 鞀師 旄人

箛師 箛章 鞀鞀氏

典庸器 司干 大卜

卜師 龜人 三氏

占人 筮人

卷二十五

宗伯禮官之職

占夢 眡視 大祝

小祝

卷二十六

宗伯禮官之職

禮 目錄 八 禮

喪祝

甸祝

詛祝

司巫

男巫

女巫

大史

小史

馮相氏

保章氏

內史

外史

卷二十七

宗伯禮官之職

御史

巾車

典路

車僕

司常

都宗人

家宗人

卷二十八

夏官司馬第四

經一條

司馬政官之屬

大司馬至家司馬凡七十

卷二十九

司馬政官之職

大司馬

卷三十

司馬政官之職

唐禮 目錄 九

小司馬 軍司馬 輿司馬

行司馬 司勳 馬質

量人 小子 羊人

司燿 掌固 司險

掌疆 候人 環人

挈壺氏 射人 服不氏

射鳥氏 羅氏 掌畜

卷三十一

司馬政官之職

司士 諸子 司右

虎賁氏 旅賁氏 節服氏

方相氏 大僕 小臣

祭僕 御僕 隸僕

卷三十二

司馬政官之職

弁師 司甲 司兵

司戈盾 司弓矢 繕人

橐人 戎右 齊右

目錄 十 承慶堂

道右	大馭	戎僕
齊僕	道僕	田僕
馭夫		

卷三十三

司馬政官之職

校人	趣馬	巫馬
牧師	廋人	圉師
圉人	職方氏	土方氏
懷方氏	合方氏	訓方氏

彤方氏	山師	川師
蓬師	匡人	擇人
都司馬	家司馬	

卷三十四

秋官司寇第五

經一條

司寇刑官之屬

大司寇至家士凡六十六

司寇刑官之職

大司寇

卷三十五

司寇刑官之職

小司寇

士師

鄉士

遂士

縣士

方士

訝士

朝士

司民

卷三十六

司寇刑官之職

司刑

司刺

司約

司盟

職金

司厲

大司

司圜

掌囚

掌戮

司隸

罪隸

蠻隸

閩隸

夷隸

貉隸

布憲

禁殺戮

禁暴氏

野廬氏

蜡氏

雍氏

萍氏

司寤氏

司烜氏

卷三十七

司寇刑官之職

條狼氏 修間氏 冥氏

庶氏 穴氏 翬氏

柞氏 雍氏 摯族氏

翦氏 赤友氏 蠲氏

壺涿氏 庭氏 銜枚氏

伊耆氏 大行人 小行人

卷三十八

司寇刑官之職

司儀 行夫 環人

象胥 掌客 掌訝

掌交 掌察 掌貨賄

朝大夫 都則 都士

家士

卷三十九

冬官考工記第六

經一條

考工記之職 輪人至弓人凡三十

輪人 輿人

卷四十

考工記之職

輶人

築氏

冶氏

桃氏

鳧氏

臬氏

段氏

函人

鮑人

鞞人

韋氏

裘氏

畫績

鍾氏

篋人

幌氏

卷四十一

考工記之職

玉人

柳人

雕人

磬氏

矢人

陶人

旒人

梓人

廔人

匠人

卷四十二

考工記之職

匠人

車人

弓人



周禮目錄

Table with multiple vertical columns, likely listing the contents of the 'Zhou Li' text.

周禮卷一

漢大司農北海鄭玄註

皇明後學東吳金蟠訂

天官冢宰第一

惟王建國辨方正位體國經野設官分職以為民極

建也周公居攝而作六典之職謂之周禮營邑於上中七年致政成王以此禮授之使居雒邑治天下司徒職曰日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉辨別也鄭司農云別四方正君臣之位君南面臣北面之屬玄謂考工匠人建國水地以縣置禁以縣視以景為規識日出之景與日入之景畫參諸日中之景夜考之極星以正朝夕是別四方召誥曰越三日戊申太保朝至於雒卜宅厥既得卜則經營越三日庚

周禮

冢宰治官之屬

承襲堂

成太保乃以庶殷攻位於維納越五日甲寅位成正位謂此也  
宮麻體猶分也經謂為之里數鄭司農云管國方九里國中九  
經九緯左祖右社而朝後而野則九夫為井四井為邑之屬是  
也鄭司農云置冢宰司徒宗伯司馬司寇司空各有所職而百  
事舉極中也今天下之人各得其  
中不失其所○縣音玄禁魚列反

乃立天官冢宰使帥其屬而掌邦治以佐王均邦國

掌主也邦治王所以治邦國也佐猶助也鄭司農云邦治謂總  
六官之職也故大宰職曰掌建邦之六典以佐王治邦國六官  
皆總屬於冢宰故論語曰君薨百官總已以聽於冢宰言冢宰  
於百官無所不主爾雅曰冢大也冢宰大宰也鄭云宰主也于  
云濟其清濁和其剛柔而納之中  
和曰宰○大宰音泰注及後放此

治官之屬大宰卿一人小宰中大夫二人宰夫下大夫四人上士  
八人中士十有六人旅下士三十有二人

變冢言大進退異名也百官總焉則謂之冢列職於王則稱大  
冢大之上也山頂曰冢旅眾也下上治眾事者自大宰至旅下  
士轉相副貳皆王臣也王之卿六命  
其大夫四命士以三命而下為差

府六人史十有二人

府治藏史掌書者凡府  
史皆其官長所自辟除

胥十有二人徒百有二十人

此民給僱役者若今衛士矣胥讀如諸謂  
其有才知為什長○徒音逆請思敘反

宮正上士二人中士四人下士八人府二人史四人胥四人徒四  
十人

正長也宮正主宮中官之長曰宮正此以下  
鄭總列六十職序于註則各於其職前列之

宮伯中士二人下士四人府一人史二人胥二人徒二十人

伯長也

膳夫上士二人中士四人下士八人府二人史四人胥十有二人

徒百有二十人

膳之言善也今時美物曰珍膳膳夫食官之長也鄭司農以詩說之曰仲允膳夫

庖人中士四人下士八人府二人史四人賈八人胥四人徒四十人

庖之言苞也裹肉曰苞其賈主市賈知物賈○賈八人音古劉音嫁下放此裏音果苗子餘反物賈音家

內饗中士四人下士八人府二人史四人胥十人徒百人

饗訓亨煎和之稱內饗所主在內○亨普庚反稱尺證反

外饗中士四人下士八人府二人史四人胥十人徒百人

外饗所主在外

亨人下士四人府一人史二人胥五人徒五十人

主為外內饗烹肉者○亨普庚反為于偽反

甸師下士二人府一人史二人胥三十人徒三百人

甸外曰甸師猶長也甸師主共野物官之長○甸田暹反共音恭下皆同

獸人中士四人下士八人府二人史四人胥四人徒四十人

甸人中士二人下士四人府二人史四人胥三十人徒三百人

○數音魚本又作魚亦作敷同又音御

鼈人下士四人府二人史二人徒十有六人

○鼈必列反

腊人下士四人府二人史二人徒二十人

腊之言夕也○腊音昔

醫師上士二人下士四人府二人史二人徒二十人

醫師與醫之長

食醫中士二人

食有和齊藥之類○和胡臥反齊才計反

疾醫中士八人

瘍醫下士八人

瘍剝癰也○瘍音羊剝初良反

獸醫下士四人

獸牛馬之類

酒正中士四人下士八人府二人史八人胥八人徒八十人

酒正酒官之長

酒人奄十人女酒三十人奚三百人

奄精氣閉藏者今謂之宦人月令仲冬其器闔以奄女酒女奴曉酒者古者從坐男女沒入縣官為奴其少才知以為奚今之

周禮

卷一 冢宰治官之屬

四

承慶堂

侍史官婢或曰奚宦女

漿人奄五人女漿十有五人奚百有五十人

女漿女奴曉漿者

凌人下士二人府二人史二人胥八人徒八十人

凌冰室也詩云二之日鑿冰沖沖三之日納于凌陰

籩人奄一人女籩十人奚二十人

竹曰籩女籩女奴之曉籩者

醢人奄一人女醢二十人奚四十人

醢豆實也不謂之豆此主醢豆不盡于醢也女醢女奴曉醢者○醢呼在反盡津忍反

醢人奄二人女醢二十人奚四十人

女醢女奴曉醢者○醢呼西反

鹽人奄二人女鹽二十人奚四十人

女鹽女奴曉鹽者

幕人奄一人女幕十人奚二十人

以巾覆物曰幕女幕女奴曉幕者幕莫歷反

宮人中士四人下士八人府二人史四人胥八人徒八十人

掌舍下士四人府二人史四人徒四十人

舍行所解止之處○解佳賣反

幕人下士一人。府二人。史二人。徒四十人。

幕帷覆上者。○幕武情也。

掌次下士四人。府四人。史二人。徒八十人。

次自修止之處。

大府下大夫二人。上士四人。下士八人。府四人。史八人。賈十有六

人。胥八人。徒八十人。

大府為王治藏之。長若今司農矣。

玉府上士二人。中士四人。府二人。史二人。工八人。賈八人。胥四人。

徒四十有八人。

工能攻玉者。

內府中士二人。府一人。史二人。徒十人。

內府主良貨賄藏。在內者。○賄呼罪反。

外府中士二人。府一人。史二人。徒十人。

外府主泉藏在外者。

司會中大夫二人。下大夫四人。上士八人。中士十有六人。府四人。

史八人。胥五人。徒五十人。

會大計也。司會主天下之大計。計官之長。若今尚書。○會古外反。注同尚音常。

司書上士二人。中士四人。府二人。史四人。徒八人。

司書主計  
會之簿書

職內上士二人中士四人府四人史四人徒二十人

職內主入也若今之泉所入謂之少內○少詩照反

職歲上士四人中士八人府四人史八人徒二十人

主歲計以歲斷○斷丁亂反

職幣上士二人中士四人府二人史四人賈四人胥二人徒二十人

人

司裘中士二入下士四人府二人史四人徒四十人

掌皮下士四人府二人史四人徒四十人

內宰下大夫二人上士四人中士八人府四人史八人胥八人徒八十人

內宰宮中官之長

內小臣奄上士四人史二人徒八人

奄稱士者異其賢

閹人王宮每門四人圍游亦如之

閹人司昏晨以啓閉者刑人墨者使守門圍御苑也游離宮也

寺人王之正內五人

寺之言侍也詩云寺人孟子正內路寢

一家宰治官之屬

承襲堂

內豎倍寺人之數。

豎未冠者之官名。○冠古亂反。

九嬪

嬪婦也。昏義曰：古者天子后立六宮，三夫人，九嬪，二十七世婦，八十一御妻，以聽天下之內治，以明章婦順，故天下內和而家理也。不列夫人于此官者，夫人之于后，猶三公之於王，坐而論婦禮，無官職。

世婦

不言數者，君子不苟於色，有婦德者克之，無則闕。

女御

昏義所謂御妻，御猶進也，侍也。

女祝四人奚八人。

女祝，女奴。曉祝事者。

女史八人奚十有六人。

女史，女奴。曉書者。

典婦功中士二人，下士四人，府二人，史四人，工四人，賈四人，徒二十人。

典主也。典婦功者，主婦人絲枲功官之長。

典絲下士二人，府二人，史二人，賈四人，徒十有二人。

典枲下士二人，府二人，史二人，徒二十人。



○泉絲里反

丙司服奄一人女御二人奚八人

丙司服主宮中裁縫官之長有女御者以衣服進或當於王廣其禮使無色過○縫臧奉容反徐杖用反

縫人奄二人女御八人女工八十人奚三十人

女工女奴曉裁縫者

梁人下士二人府二人史二人徒二十人

追師下士二人府一人史二人工二人徒四人

追治正石之名○追丁同反一曰雕

屨人下士二人府一人史一人工八人徒四人

夏采下士四人史一人徒四人

夏采夏翟羽色禹貢徐州貢夏翟之羽有虞氏以為綏後世或無故染鳥羽象而用之謂之夏采○夏戶雅反注同綏如誰反

周禮卷一 終



周禮卷二

漢大司農井海鄭玄註

皇明後學東吳葛藻訂

冢宰治官之職

大宰之職掌建邦之六典以佐王治邦國一曰治典以經邦國以治官府以紀萬民二曰教典以安邦國以教官府以擾萬民三曰禮典以和邦國以統百官以諧萬民四曰政典以平邦國以正百官以均萬民五曰刑典以詰邦國以刑百官以糾萬民六曰事典以富邦國以任百官以生萬民

大曰邦小曰國邦之所居亦曰國典常也經也禮也禮常所秉以治天下也邦國官府謂之禮禮常所守以為禮式也常者其上下通名擾猶馴也統猶合也詰猶禁也書曰度作詳刑以詰四友任猶俸也生猶養也鄭司農云治典家宰之職故立其官曰使帥其屬而掌邦治以佐王均邦國教典司徒之職故立其官曰使帥其屬而掌邦教以佐王安擾邦國禮典宗伯之職故立其官曰使帥其屬而掌邦禮以佐王和邦國政典司馬之職故立其官曰使帥其屬而掌邦政以佐王平邦國刑典司寇之職故立其官曰使帥其屬而掌邦禁以佐王刑邦國此三時皆有官唯冬無官又無司空以三隅反之則事典司空之職也司空之篇亡小宰職曰六曰冬官其屬六十掌邦事○度待洛反傳側吏反

以八灋治官府。一曰官屬以舉邦治。二曰官職以辨邦治。三曰官聯以會官治。四曰官常以聽官治。五曰官成以經邦治。六曰官灋以正邦治。七曰官刑以糾邦治。八曰官計以弊邦治。

百官所居曰府弊斷也鄭司農云官屬謂六官其屬各六十若今博士大史大宰大祝大樂屬大常也小宰職曰以官府之六屬舉邦治一曰天官其屬六十是也官職謂六官之職小宰職曰以官府之六職辨邦治一曰治職二曰教職三曰禮職四曰政職五曰刑職六曰事職官聯謂國有大事一官不能獨與則六官共舉之聯讀為連古書連作聯謂連事通職相佐助也小宰職曰以官府之六聯合邦治一曰祭祀之聯事二曰賓客之聯事三曰喪葬之聯事四曰軍旅之聯事五曰田役之聯事六曰斂弛之聯事官常謂各自領其官之常職非連事通職所共也官成謂官府之成事品式也小宰職曰以官府之八成經邦治一曰聽政役以比居二曰聽師田以簡擯三曰聽閭里以版圖四曰聽稱責以傅別五曰聽祿位以禮命六曰聽取予以書契七曰聽賣買以質劑八曰聽出入以要會官灋謂職所主之灋度官職主祭祀朝覲會同賓客者則皆自有其灋度小宰職曰以灋掌祭祀朝覲會同賓客之戒具官刑謂司刑所掌罪辜劓鼻宮鼻剕鼻殺鼻也官計謂三年則大計羣吏之治而誅賞之玄謂官刑司寇之職五刑其四曰官刑上能糾職官計謂小宰之六計所以斷羣吏之治○灋古法字斷丁亂反比毗志

反傳別音附下微列反劑子隨反要於妙反朝直  
逕反凡朝覲皆同鼻古罪字劍魚莫反刑音月

以八則治都鄙。一曰祭祀以馭其神。二曰瀆則以馭其官。三曰廢置以馭其吏。四曰祿位以馭其士。五曰賦貢以馭其用。六曰禮俗以馭其民。七曰刑賞以馭其威。八曰田役以馭其衆。

都之所居曰鄙則亦瀆也典瀆則所刑異其名也都鄙公卿大夫之采邑王子弟所食邑周召毛聃畢原之屬在畿內者祭祀其先若社稷五祀瀆則其官之制度廢猶退也退其不能者舉賢而置之祿若令月奉也位爵次也賦口率出泉也貢功也九職之功所稅也禮俗昏姻喪紀舊所行也鄭司農云七謂學士○聃乃甘反奉符用反率徐劉音類威音律一音所律反

以八柄詔王馭羣臣。一曰爵以馭其貴。二曰祿以馭其富。三曰予。以馭其幸。四曰置以馭其行。五曰生以馭其福。六曰奪以馭其貧。

七曰廢以馭其罪。八曰誅以馭其過。

柄所秉執以起事者也詔告也勅也爵謂公侯伯子男卿大夫上也詩云誨爾序爵言教王以賢否之第次也班祿所以富臣下善曰凡厥正人既富方穀幸謂言行偶合於善則有以賜予之以勸後也生猶養也賢臣之老者王有以養之成王封伯禽於魯曰生以養周公死以為周公後是也五福一曰壽奪謂臣有大罪沒入家財者六極四曰貧廢猶放也舜殛鯀于羽山是也誅責讓也曲禮曰齒路馬有誅凡言馭者所以馭之內之於善○行下孟反注同殛紀力反餘古本反馭起俱反

以八統詔王馭萬民。一曰親親。二曰敬故。三曰進賢。四曰使能。五曰保庸。六曰尊貴。七曰達吏。八曰禮賓。

統所以合率以等物也親親若走親九族也敬故不慢舊也晏平仲久而敬之賢有善行也能多才藝者保庸安有功者尊貴尊天下之貴者孟子曰天下之達尊者三曰爵也德也齒也祭義曰先王之所以治天下者五貴有德貴貴貴老敬長慈幼達

吏察舉勤勞之小吏也禮賢賓客諸侯所以示民親仁善鄰

以九職任萬民。一曰三農生九穀。二曰園圃毓草木。三曰虞衡作

山澤之材。四曰藪牧養蕃鳥獸。五曰百工飭化八材。六曰商賈阜

通貨賄。七曰嬪婦化治絲枲。八曰臣妾聚斂疏材。九曰閭民無常

職。轉移執事。

任猶停也。鄭司農云。三農平地山澤也。九穀黍稷秫稻麻大小豆大小麥八材珠曰切象曰礎玉曰琢石曰磨木曰刻金曰鑠。革曰剝羽曰析。閭民謂無事業者。轉移為人執事。若今傭賃也。玄謂三農原隰及平地。九穀無秫大麥而有梁苽。樹果曰圃。園其樊也。虞衡掌山澤之官。主山澤之民者。澤無水曰藪。牧。田在遠郊。皆畜牧之地。行曰商。處曰賈。阜盛也。金玉曰貨。布帛曰賄。嬪婦人之美稱也。堯典曰。釐降二女。嬪于虞。臣妾男女貧賤之稱。晉惠公卜懷公之生。曰將生一男一女。男為人臣。女為人

人妾。生而名其男曰閭。女曰妾。及懷公質於秦。妾為宦。女為疏材。百草根實可食者。疏不熟曰饑。○毓占育字。飭音勅。賈音古。閭音開。秫音述。為人于偽。反傭音容。貨。女嬪反。虞音瓜。旅力果反。質猪二反。

以九賦斂財賄。一曰邦中之賦。二曰四郊之賦。三曰郊甸之賦。四

曰家削之賦。五曰邦縣之賦。六曰邦都之賦。七曰關市之賦。八曰

山澤之賦。九曰幣餘之賦。

財泉穀也。鄭司農云。邦中之賦。二十而稅一。各有差也。幣餘。自工之餘。玄謂賦。口率出泉也。今之算泉。民或謂之賦。此其舊名。與。鄉大夫以歲時登其夫家之眾寡。辨其可任者。國中自七尺。以及六十。野自六尺。以及六十。有五。皆征之。遂師之職亦云。以徵其財。征皆謂此賦也。邦中。在城郭者。四郊。去國百里。邦甸。二百里。家削。三百里。邦縣。四百里。邦都。五百里。此平民也。關市。山澤。謂占會百物。幣餘。謂占賣國中。之斥幣。皆未作常增賦者。若今賈人倍算矣。自邦中。以至幣餘。各入其所有穀物。以當賦泉。

之數每處為一書所待異也。○  
刑本亦作稍又作郤所教反

以九式均節財用。一曰祭祀之式。二曰賓客之式。三曰喪荒之式。四曰羞服之式。五曰工事之式。六曰幣帛之式。七曰芻秣之式。八曰匪頒之式。九曰好用之式。

式謂用財之節度。荒凶年也。羞飲食之物也。工作器物者。幣帛所以贈勞賓客者。芻秣養牛馬禾穀也。鄭司農云。匪分也。頒讀為班。布之珽。謂班賜也。玄謂王所分賜羣臣也。好用。燕好所賜予。○好呼報反。勞力報反。

以九貢致邦國之用。一曰祀貢。二曰嬪貢。三曰器貢。四曰幣貢。五曰材貢。六曰貨貢。七曰服貢。八曰旂貢。九曰物貢。

嬪故著作賓。鄭司農云。祀貢。犧牲包茅之屬。貨貢。皮帛之屬。器貢。宗廟之器。幣貢。繡帛材貢。木材也。貨貢。珠貝自然之物也。服

貢祭服。旂貢羽毛。物貢九州之外。各以其所貴為。犛。肅慎氏貢。楛矢之屬是也。玄謂。嬪貢。練泉器貢。銀鐵石磬丹漆也。幣貢。玉馬皮帛也。材貢。櫛。餘。枯。相。漆。錫也。貨貢。金玉龜貝也。服貢。紵。紵也。旂貢。如。固。游。之。游。旂。貢。燕。好。珠。璣。琅。玕。也。物貢。雜物。魚。鹽。橘。柚。嬪音資。楛音戶。櫛音于。柚羊九反。一音羊受反。蕩大黨反。琅音郎。玕音于。柚羊九反。一音羊受反。

以九兩繫邦國之民。一曰牧。以地得民。二曰長。以貴得民。三曰師。以賢得民。四曰儒。以道得民。五曰宗。以族得民。六曰主。以利得民。七曰吏。以治得民。八曰友。以任得民。九曰藪。以富得民。

兩猶耦也。所以協耦萬民。繫。聯。綴。也。牧。州長也。九州各有封域。以居民也。長。諸侯也。一邦之貴民所仰也。師。諸侯師氏。有德行。以教民者。儒。諸侯保氏。有六藝以教民者。宗。繼別為大宗。收族者。鄭司農云。主。謂公卿大夫。世世食采。下。冠。民。稅。薄。利。之。玄。謂。利。讀。如。上。思。利。民。之。利。謂。以。政。教。利。之。吏。小。吏。在。鄉。邑。者。友。謂。同。井。相。合。耦。勸。作。者。孟。子。曰。鄉。田。同。井。出。入。相。友。守。望。相。助。疾。

病相扶持則百姓親睦。藪亦有虞掌其政令，為之厲禁，使其地之民守其材物，以時入于王府，頒其餘於萬民，富謂藪中材物。○行下孟反。勑音助。

正月之吉，始和，布治于邦國都鄙，乃縣治象之瀆于象魏，使萬民觀治象，挾日而斂之。

正月，周之正月，吉謂朔日，大宰以正月朔日布王治之事於天下，至正歲又書而縣于象魏，振木鐸以徇之，使萬民觀焉。小宰亦帥其屬而徃，皆所以重治法，新王事也。凡治有故言始和者，若改造云爾。鄭司農云：象魏，闕也。故魯災季桓子御公立于象魏之外，命藏象魏，曰舊章不可忘。從甲至甲謂之挾日，凡十日。○縣音玄。

乃施典于邦國，而建其牧，立其監，設其參，傳其伍，陳其殷，置其輔。乃者更申勑之，以侯伯有功德者加命作州長謂之牧，所謂八命作牧者。監謂公侯伯子男各監一國，書曰王啓監厥亂為民。

參謂卿三人，伍謂大夫五人，鄭司農云：殷，治律輔，為民之平也。玄謂殷，衆也，謂衆士也。王制：諸侯上士二十七人，其中士下士各居其上之三分輔。府史，庶人在官者。○參，七南反。傅，戚音附。監，古銜反。為，于偽反。

乃施則于都鄙，而建其長，立其兩，設其伍，陳其殷，置其輔。長謂公卿大夫，王子弟食采邑者，兩謂兩卿，不言三卿者，不足于諸侯。鄭司農云：兩謂兩丞。

乃施法于官府，而建其正，立其貳，設其攷，陳其殷，置其輔。正謂冢宰、司徒、宗伯、司馬、司寇、司空也。貳謂小宰、小司徒、小宗伯、小司馬、小司寇、小司空也。考成也。佐成事者謂宰夫、鄉師、肆師、軍司馬、士師也。司空亡，未聞其考。

凡治以典，待邦國之治，以則，待都鄙之治，以濔，待官府之治，以官成，待萬民之治，以禮，待賓客之治。

成，入成禮。寶禮也。

祀五帝則掌百官之誓戒與其具修

祀五帝謂四郊及明堂誓戒要之以刑重失禮也明堂位所謂各揚其職百官廢職服大刑是其辭之略也具所當共修掃除糞酒○要一進反酒色賣反

前期十日帥執事而卜日遂戒

前期前所諏之日也十日容散齊七日致齊三日執事宗伯大之屬既卜又戒百官以希齊○獻子須反散齊西但反下側皆反

及執事眡滌濯

執事初為祭事前祭日之夕滌濯謂既祭器及甑甗之屬○眡音視本又作視後皆同既古愛反甗魚善反徐音彥一音言本

又作甑音歷

及納亨贊王牲事

納亨納牲將告殺謂鄉祭之晨既殺以授亨人凡大祭祀君親牽牲大夫贊之○亨音庚反鄉許亮反

及祀之日贊玉幣爵之事

日且明也玉幣所以禮神玉與幣各如其方之色爵所以獻齊酒不用玉爵尚質也三者執以從王至而授之○齊才計反

祀大神示亦如之

大神祇謂天地○示本又作示音繼

享先王亦如之贊玉几玉爵

玉几所以依神天子左石玉几宗廟獻用玉爵



大朝覲會同贊玉幣玉獻玉几玉爵

助王受此四者時見曰會殷見曰同大會同或於春朝或於秋觀舉春秋則冬夏可知玉幣諸侯享幣也其合亦如小行人所合六幣云玉獻獻國珍異亦執玉以致之玉几王所依也立而設几優尊者玉爵王禮諸侯之酢爵王朝諸侯立依前南面其禮之於阼階上○見賢遍反下同朝直遙反下文同依於豈反本亦作屺

大喪贊贈玉含玉

助王為之也贈玉既窆所以送先王含玉死者口實天子以玉雜記曰含者執璧將命曰寡君使其含則諸侯含以璧鄭司農云含玉璧琮○含本又作哈戶暗反後同空波驗反琮才宗反

作大事則戒于百官贊王命

助王為教令春秋傳曰國之大事在祀與戎

王眡治朝則贊聽治

治朝在路門外群臣治事之朝王視之則助王平斷

眡四方之聽朝亦如之

謂王巡守在外時○守音符後巡狩皆放此

凡邦之小治則冢宰聽之待四方之賓客之小治

大事決於王小事冢宰傳平

歲終則令百官府各正其治受其會

正正處也會大計也

聽其致事而詔王廢置

平其事來至者之功狀而奏白王

三歲則大計羣吏之治而誅賞之。

事久則聽之。大無功不徒廢。必罪之。大有功不徒置。必賞之。鄭司農云。三載考績。

周禮卷二終

周禮卷三

漢大司農北海鄭玄註

皇明 後學東吳金蟠訂

冢宰治官之職

小宰之職。掌建邦之官刑。以治王宮之政令。凡宮之糾禁。

杜子春云。官皆當為官。玄謂官刑。在王宮中者之刑。建。明布告之糾。猶罰也。察也。若今御史中丞。

掌邦之六典。八灋。八則之貳。以逆邦國都鄙官府之治。

逆。迎受之。鄭司農云。貳。副也。

執邦之九貢。九賦。九式之貳。以均財節邦用。

周禮

卷三

冢宰治官之職

一

承襲堂

以官府之六叙正羣吏。一曰以叙正其位。二曰以叙進其治。三曰以叙作其事。四曰以叙制其食。五曰以叙受其會。六曰以叙聽其情。

叙秩次也。謂先尊後卑也。治功狀也。食祿之多少。情爭訟之辭。

以官府之六屬舉邦治。一曰天官。其屬六十。掌邦治。大事則從其長。小事則專達。二曰地官。其屬六十。掌邦教。大事則從其長。小事則專達。三曰春官。其屬六十。掌邦禮。大事則從其長。小事則專達。四曰夏官。其屬六十。掌邦政。大事則從其長。小事則專達。五曰秋官。其屬六十。掌邦刑。大事則從其長。小事則專達。六曰冬官。其屬

六十。掌邦事。大事則從其長。小事則專達。

大事從其長。若庖人。內外饗與膳夫。共王之食。小事專達。若宮人。掌舍。各爲一官。六官之屬三百六十。象天地四時日月星辰之度數。天道備焉。前此者。成王作周官。其志有述天授位之義。故周公設官分職以濼之。

以官府之六職辨邦治。一曰治職。以平邦國。以均萬民。以節財用。二曰教職。以安邦國。以寧萬民。以懷賓客。三曰禮職。以和邦國。以諧萬民。以事鬼神。四曰政職。以服邦國。以正萬民。以聚百物。五曰刑職。以詰邦國。以糾萬民。以除盜賊。六曰事職。以富邦國。以養萬民。以生百物。

懷亦安也。賓客來。共其委積。所以安之。聚百物者。司馬主九畿。職方制其貢。各以其所有。積子賜反。

以官府之六聯合邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。六曰斂施之聯事。凡小事皆有聯。

鄭司農云。大祭祀。大宰贊玉幣。司徒奉牛牲。宗伯視滌濯。涖玉幣。省牲。鑊奉玉盥。司馬羞魚。牲奉馬牲。司寇奉明火。火大喪。犬宰贊。贈玉。舍玉。司徒帥六鄉之衆。庶屬其六。朝宗伯為上。相。司馬平士大夫。司寇前王。此所謂官職。杜子春施讀為施。玄謂荒政。弛力役。及國中貴者。賢者。服公事者。老者。疾者。皆舍。不。以。力。役之事。奉牲者。其司空奉豕。與。○。鑊戶郭反。盡音吝。屬音屬。紉音引。相息亮反。

以官府之八成經邦治。一曰聽政役以比居。二曰聽師田以簡稽。三曰聽閭里以版圖。四曰聽稱責以傳別。五曰聽祿位以禮命。六

曰聽取予以書契。七曰聽賣買以質劑。八曰聽出入以要會。

鄭司農云。政。謂軍政也。役。謂發兵起徒役也。比居。謂伍籍也。比地為伍。因內政寄軍令。以伍籍發軍。起役者。平而無遺脫也。簡稽。士卒兵器簿書。簡。猶閱也。稽。猶計也。合也。合計其士之卒伍。閱其兵器。為之要簿也。故遂人職曰。稽其人民。簡其兵。泰。國語曰。黃池之會。吳陳其兵。皆官師擁鐸拱稽。版。戶籍。圖。地圖也。聽人訟地者。以版圖決之。司書職曰。邦中之版。土地之圖。稱責。謂貸予。傳別。謂券書也。聽訟責者。以券書決之。傳。傳著約束於文書。別。別為兩。兩家各得一也。禮命。謂九賜也。書契。符書也。質劑。謂市中平買。今時月平是也。要會。謂計最之簿書。月計曰要。歲計曰會。故宰夫職曰。歲終。則令羣吏正歲會。月終。則令正月要。傳別。故書作傳。辨。鄭大夫讀為符別。杜子春讀為傳別。玄謂政。謂賦也。凡其字。或作政。或作正。或作征。以多言之。宜從征。如孟。子交征。利云。傳別。謂為大手書。于一札中。字別之。書契。謂出。于。受入之。凡要。凡簿。書之最目。獄訟之要辭。皆曰契。春秋傳曰。王叔氏不能舉其契。質劑。謂兩書一札。同而別之。長曰質。短曰劑。傳別。質劑。皆今之券書也。事異。異其名耳。禮命。禮之九命之差。

等。比毗志反傳音附別彼列反要會  
古分反著直略反賈音嫁月平劉音病

以聽官府之六計。弊羣吏之治。一曰廉善。二曰廉能。三曰廉敬。四曰廉正。五曰廉灑。六曰廉辨。

聽。平治也。平治官府之計。有六事。弊。斷也。既斷以六事。又以廉為本。善。善其事。有辭譽也。能。政令行也。敬。不解于位也。正。行無傾邪也。灑。守灑不失也。辨。辨然不疑惑也。杜子春云。廉辨。或為廉端。斷丁亂反。

以灑掌祭祀朝覲會同賓客之戒具。軍旅田役喪荒亦如之。

灑。謂其禮灑也。戒具。戒官有事者所當共。

七事者。令百官府共其財用。治其施舍。聽其治訟。

七事。謂先四如之者三也。施舍。不給役者。七事。故書為小事。杜子春云。當為七事。書亦為七事。共音恭。禮本供事皆作共。

凡祭祀贊王幣爵之事。裸將之事。

又從大宰助王也。將。送也。裸。送。送裸。謂贊王酌鬱鬯以獻。凡。謂之裸。裸之言灌也。明不為飲。主以祭祀。唯人道宗廟有裸。天地大神至尊。不裸。莫稱焉。凡鬱鬯受祭之。啐之。奠之。裸古亂。反為合。偽反。啐寸對反。

凡賓客贊裸。凡受爵之事。凡受幣之事。

唯裸助宗伯其餘皆助大宰。王不酌賓客而有受酢。大宗伯職曰。大賓客則攝而載裸。

饗荒受其含禭幣玉之事。

春秋傳曰。口實曰含。衣服曰禭。凶荒有幣玉者。賓客所賜委之禮。禭音迷。賙音周。

月終則以官府之叙受羣吏之要。

主每月之小計。

贊冢宰受歲會歲終則令羣吏致事

使齋戒盡文書來至若令上計○齋子兮反上時掌反

刑正歲帥治官之屬而觀治象之灋狗以木鐸曰不用灋者國有常

刑

正歲謂夏之正月得四時之正以出教令者審也古者將有新令必奮木鐸以警眾使明聽也木鐸木舌也文事奮木鐸武事奮金

鐸

乃退以官刑憲禁于王宮

憲謂表縣之若今新有灋令云

令于百官府曰各修乃職攷乃灋待乃事以聽王命其有不共則

國有大刑

乃猶女也

宰夫之職掌治朝之灋以正王及三公六卿大夫羣吏之位掌其

禁令

治朝在路門之外其位司士掌焉宰夫察其不如儀○朝直違反

敘羣吏之治以待賓客之令諸臣之復萬民之逆

恒次敘諸吏之職事三者之來則應使辨理之鄭司農云復謂也逆迎受王命者宰夫主諸臣萬民之復逆故詩人重之曰家伯維宰玄謂復之言報也反也反報於王謂於朝廷奏事自下而上曰逆逆謂上書

掌百官府之徵令辨其八職一曰正掌官灋以治要二曰師掌官

禮

卷三 冢宰治官之職

五

禮記

成以治凡。三曰司。掌官灋以治目。四曰旅。掌官常以治數。五曰府。掌官契以治藏。六曰史。掌官書以贊治。七曰胥。掌官敘以治敘。八曰徒。掌官令以徵令。

別異諸官之八職以備王之徵召所為。正辟於治官則冢宰也。治要若歲計也。師辟小宰宰夫也。治凡若月計也。司辟上士中士。治目若今日計也。旅辟下士也。治數每事多少異也。治藏藏文書及器物贊治若今起文書草也。治敘次序官中如今待曹伍伯傳吏朝也。徵令趨走給召呼。○藏寸浪反注治藏同別彼列反辟音譬。

掌治灋以致百官府羣都縣鄙之治。乘其財用之出入。凡失財用物。辟名者。以官刑詔冢宰而誅之。其足用長財善物者賞之。

羣都諸采邑也。六遂五百家為鄙。五鄙為縣。言縣鄙而六鄉州黨亦存焉。乘循計也。財泉穀也用。貨賄也。物畜獸也。辟名詐為

書以空作見文書與實不相應也。官刑在司冠五刑第四者。○辟名徐芳石反劉芳益反見賢通反

以式灋堂祭祀之戒具。與其薦羞。從大宰而砥滌濯。

薦脯醢也。羞庶羞內羞。

凡禮事。贊小宰比官府之具。

比。校次之。

凡朝覲會同賓客。以牢禮之灋。掌其牢禮。委積膳獻飲食賓賜之。殮牽與其陳數。

牢禮之灋多少之差及其時也。三牲牛羊豕具為一牢。委積謂牢米新芻給賓客道用也。膳獻禽羞俶獻也。飲食燕饗也。鄭司農云。殮夕食也。春秋傳曰。殮有陪鼎。牽牲牢可牽而行者。春秋傳曰。餼牽竭矣。玄謂殮客始至所致禮。凡此禮陳數存可見者。

唯有行人掌客及聘禮公食大夫。委積子賜反食音嗣傲冒六反。

凡邦之弔事掌其戒令與其幣器財用凡所共者。

弔事弔諸侯諸臣幣所用賻也器所致明器也凡喪始成弔而舍德葬而賵贈其間加恩厚則有賻焉春秋譏武氏子來求賻

○賻音附

大喪小喪掌小官之戒令帥執事而治之。

大喪上后世子也小喪夫人以下小官士也其大官則冢宰掌其戒令治謂共辨

三公六卿之喪與職喪帥官有司而治之凡諸大夫之喪使其旅

帥有司而治之。

旅冢宰下上

歲終則令羣吏正歲會月終則令正月要旬終則令正日成而以攷其治治不以時舉者以告而誅之。

歲終自周季冬正猶定也旬十日也治不特舉者謂違時令失期會

正歲則以灋警戒羣吏令修官中之職事。

警勃戒之言鄭司農云正歲之正月以灋戒勅羣吏

書其能者與其良者而以告于上。

良尤善也上謂小宰大宰也鄭司農云若今時舉孝廉賢良方正茂才異等

官正掌王宮之戒令糾禁。

糾猶割也祭也



以時比宮中之官府。次舍之衆寡。

時四時比按次其人之在否。官府之在官中者若膳夫玉府內宰內史之屬。次諸吏直宿。若今部署諸廬者舍其所居寺

為之版以待。

鄭司農云。為官府次舍之版圖也。待待比也。玄謂版其人之名籍。待待戒令及比。

夕擊柝而比之。

夕莫也。莫行夜。以此直宿者為其有解惰。離部署。鄭司農云。柝戒守者所擊也。易曰。重門擊柝。以待暴客。春秋傳曰。魯擊柝聞於鄰。○柝吐各反。莫音暮。行下孟反。為于偽反。解佳賣反。重直龍反。

國有故則令宿。其比亦如之。

鄭司農云。故謂既災。令宿宿衛王宮。春秋傳曰。忘守必危。况有災乎。玄謂故凡非常也。文王世子曰。公有出疆之政。庶子以公

辨外內而時禁。

鄭司農云。分別外人內人。禁其非時出入。○別彼列反。

稽其功緒。糾其德行。

稽尤考也。計也。功吏職也。緒其志業。○行下孟反。

幾其出入。均其稍食。

鄭司農云。幾其出入。若今時宮中有罪禁止。不能出。亦不得入。及無引籍。不得入宮。司馬殿門也。玄謂幾呵其衣服持操及疏數者。稍食。稌粟。○數音朔。稌彼錦反。

周禮

卷三 家宰治官之職

八

承哀堂

去其淫怠與其奇袤之民。

民宮中吏之家人也淫放濫也怠解慢也奇袤謫  
觚非常○去起呂反奇音羈袤似嗟反亦作邪

會其什伍而教之道藝。

五人為伍二伍為什會之者使之輩作輩學相勸帥且奇宿衛  
之令鄭司農云道謂先王所以教道民者藝謂禮樂射御書數

月終則會其稍食歲終則會其行事。

行吏吏  
職也

凡邦之大事令于王宮之官府次舍無去守而聽政令。

使居其處  
待所為

春秋以木鐸修火禁。

火星以春出以秋  
入因天時而以戒

凡邦之事蹕宮中廟中則執燭。

鄭司農讀火絕之云禁凡邦之事蹕國有事王當出則宮正主  
禁絕行者若今時衛士填街蹕也宮中廟中則執燭宮正主為  
王於宮中廟中朝燭玄謂事祭事也邦之祭社稷七祀於宮中  
祭先公先王於廟中隸僕掌蹕止行者宮正則執燭以為明春  
秋傳曰有大事於大廟又曰有  
事於武宮○蹕音畢填音田

大喪則授廬舍辨其親疏貴賤之居。

廬倚廬也舍室室也親者貴者居倚廬疏者  
賤者居室室雜記曰大夫居廬士居室室

宮伯掌王宮之士庶子凡在版者。

鄭司農云庶子宿衛之官版各籍也以版為之今時鄉戶籍謂  
之戶版玄謂王宮之士謂王宮中諸吏之適子也庶子其支庶

也。○適  
丁歷反

掌其政令行其秩敘作其徒役之事。

秩祿稟也。叙才等也。作徒役之事。天子所用。

授八次八舍之職事。

衛王宮者必居四角四中於徽候便也。鄭司農云。庶子衛王宮在內為次。在外為舍。支謂次其宿衛所在。舍其休休之處。○徽古弔反。

若邦有大事作宮衆則令之。

謂王宮之士庶子於邦有大事或選當行。

月終則均秩歲終則均敘以時頒其衣裘掌其誅賞。

頒讀為班。班布也。衣裘若今賦冬夏衣。

周禮卷三終

周禮

卷三 家宰治官之職

三

--	--	--	--	--	--	--	--

周禮卷四

漢大司農北海鄭玄註

皇明後學東吳葛彙訂

冢宰治官之職

膳夫掌王之食飲膳羞以養王及后世子。

食飯也飲酒漿也膳牲肉也羞有滋味者凡養之具大略有四○食音嗣飯狄萬反

凡王之饋食用六穀膳用六牲飲用六清羞用百二十品珍用八物醬用百有二十齏。

進物於尊者曰饋此饋之盛者王舉之饌也六牲馬牛羊豕犬雞也羞出於牲及禽獸以備滋味謂之庶羞公食大夫禮內則

周禮

冢宰治官之職

一

文選卷三

下大夫十六。上大夫二十。其物數備焉。天子諸侯有其數。而物未得盡聞。珍謂淳熬。淳母。炮豚。炮脾。擣珍。漬熬。肝。膋也。醬謂醢醢也。王舉則醢人共醢六十。糝以五。齋七。醢七。道三。鬻實之。醢人共齋。道醢物六十。糝。鄭司農云。羞進也。六穀。稌。黍。稷。粱。麥。苽。武。彫胡也。六清。水。漿。醴。醪。醫。醢。○糝。屋。貢。反。饌。仕。眷。反。淳。之。純。反。熬。五。刀。反。母。莫。胡。反。擣。作。郎。反。齋。作。西。反。鬻。奴。兮。反。稌。他。古。反。苽。古。吳。反。醪。本。又。作。涼。醢。以。支。反。

王日一舉。鼎十有二物。皆有俎。

殺牲盛饌曰舉。王日一舉。以朝食也。后與王同庖。鼎十有二。牢鼎九。陪鼎三。物謂牢鼎之實。亦九俎。○朝如字。

以樂侑食。膳夫授祭。品嘗食。王乃食。

侑猶勸也。祭謂刊肺脊也。禮飲食必祭。示有所先。品者。每物皆嘗之。道尊者也。○刊寸本反。

卒食。以樂徹于造。

造。作也。鄭司農云。造。謂食之。故所居處也。已食徹置。故處。

王齊日三舉。

鄭司農云。齊必變食。

大喪則不舉。大荒則不舉。大札則不舉。天地有裁則不舉。邦有大故則不舉。

大荒。凶年。大札。疫癘也。天裁。日月晦食。地裁。崩動也。大故。寇戎之事。鄭司農云。大故。刑殺也。春秋傳曰。司寇行戮。君為之不舉。○裁音災。疫音役。癘音厲。為于偽反。

王燕食則奉膳贊祭。

燕食。為日中與夕食。奉膳。奉朝之餘。膳所祭者。牢肉。

凡王祭祀賓客食則徹王之胙俎。

膳夫親徹胙俎。胙俎最尊也。其餘則其屬徹之。賓客食而王有胙俎。王與賓客禮食。主人飲食之俎。皆為胙俎。見於此矣。

凡王之稍事設薦脯醢。

鄭司農云。稍事為非日中大舉時而間食。謂之稍事。膳夫主設薦脯醢。玄謂稍事有小事而飲酒。○間劉古莧反。

王燕飲酒則為獻主。

鄭司農云。主人當獻賓則膳夫代王為主。君不敵臣也。燕義曰。使宰夫為獻主。臣莫敢與君亢禮。

掌后及世子之膳羞。

亦主其饌之數。不饋之耳。

凡肉脩之頒賜皆掌之。

鄭司農云。修脯也。

凡祭祀之致福者受而膳之。

致福謂諸臣祭祀進其餘肉歸胙于王。鄭司農云。膳夫受之以給王膳。

以摯見者亦如之。

鄭司農云。以羔雁雉為摯。見者亦受以給王膳。

歲終則會。唯王及后世子之膳不會。

不會計多少優尊者。其頒賜諸臣則計之。

庖人掌其六畜六獸六禽辨其名物。

六畜六牲也。始養之曰畜。將用之曰牲。春秋傳曰。卜日曰牲。鄭司農云。六獸。麋鹿熊麋野豕兔六禽。雁鴉鷄雉鳩鶩。玄謂獸人

司農

豕宰

治官之職

三

永襄堂

冬獻狼夏獻麋又內則無熊則六獸當有狼而熊不屬六禽於禽獸及六犖宜為羔豚犢麋雉雁凡鳥獸未孕曰禽司馬職曰六獸公之小禽私之○麋亦作麇居倫反鶉音純鶉於諫反鶉古合反麇音迷

凡其死生蠶蕘之物以其王之膳與其薦羞之物及后世子之膳羞。

凡計數之薦亦進也備品物曰薦致滋味乃為羞王言薦者味以不藜為尊鄭司農云鮮謂生肉蕘為乾肉○蠶悉然反蕘古老反數色柱反

其祭祀之好羞。

謂四時所為膳食若荆州之鱧魚青州之蟹胥雖非常物進之孝也○好呼報反醜側雅反

其喪紀之庶羞賓客之禽獻。

喪紀喪事之祭謂虞祔也禽獻獻禽於賓客獻古文為獸杜子春云當為獻

凡令禽獻以禮授之其出入亦如之。

令令獸人也禽獸不可久處賓客至將獻之庖人乃令獸人取之必書所當獻之數與之及其來致禽亦以此書按數之至于獻賓客又以此書付使者展而行之掌客乘禽於諸侯各如其命之數聘禮乘禽於客日如其饗餼之數士中日則二雙○令力呈反使所吏反乘繩證反

凡用禽獻春行羔豚膳膏香夏行腍鱠膳膏臊秋行犢麋膳膏腥冬行蠶羽膳膏膻

用禽獻謂煎和之以獻王鄭司農云膏香牛脂也以牛脂和之腍乾雉鱠乾魚膏臊豕膏也以豚膏和之杜子春云膏臊犬膏膏腥豕膏也鮮魚也羽雁也膏膻羊脂也玄謂膏腥雞膏也羔豚物生而肥犢與麋物成而充腍鱠膜熱而乾魚雁水涸而性

定此八物者得四時之氣尤盛為人食之弗勝是以用休廢之  
脂膏煎和膳之牛屬司徒土也雞屬宗伯木也犬屬司寇金也  
羊屬司馬火也○牾其居反齶所留反腺素刀  
反羶書然反和胡臥反曠呼早也為于偽反

歲終則會唯王及后之膳禽不會

膳禽四時所膳禽獻  
加世子可以會之

內饗掌王及后世子膳羞之割亨煎和之事辨體名肉物辨百品

味之物

割肆解肉也烹煮也煎和齊以五味體名春脅肩臂膈之屬肉  
物截膈之屬百品味庶羞之屬言百舉成數○亨普庚反注同  
肆託歷反齊才細反  
菽側吏反膳音燔

王舉則陳其鼎俎以牲體實之

取於鑊以實鼎取於鼎以實俎實  
鼎曰香實俎曰載○香職升反

選百羞醬物珍物以俟饋

先進食之時恒  
選擇其中御者

共后及世子之膳羞

膳夫掌之  
是乃共之

辨腥臊羶香之不可食者牛夜鳴則腐羊冷毛而毳羶犬赤股而

躁臊烏鵲色而沙鳴狸豕盲眦而交睫腥馬黑脊而般臂蠖

腥臊羶香可食者是別其不可食者則所謂者皆臭味也冷毛  
毛長總結也鵲失色不澤美也沙澌也交睫腥腥當為星聲之  
誤也肉有如米者似星般臂臂毛有文鄭司農云腐朽木臭也  
蠖蠖蛄臭也杜子春云盲眦當為望視○腐音由冷音零鵲本



又作獺芳表反狸音鬱音亡亮反眈音視曉音  
接般音班螻音樓別彼列反漸音西姑音姑

凡宗廟之祭祀掌割亨之事凡燕飲食亦如之凡掌其羞修刑臠

胖骨鱠以待其膳

掌共其當為具羞度羞也修鍛脯也胖如脯而腥者鄭司農云  
刑臠謂夾脊肉或曰膾肉也骨鱠謂骨有肉者玄謂刑劍羹也  
臠腍肉大臠所以祭者骨牲體也鱠乾魚○共羞共依注  
音具臠火吳反胖普半反鍛丁亂反腍直輒反膾力轉反

凡王的好賜肉修則饗人共之

好賜王所善而賜也  
○好呼報反注同

外饗掌外祭祀之割亨共其脯修刑臠陳其鼎俎實之牲體魚腊  
凡賓客之殮饗饗食之事亦如之

殮客始至之禮饗既將幣之禮  
致禮於客莫盛於饗○食音嗣

邦饗耆老孤子則掌其割亨之事饗士庶子亦如之

孤子者死王事者之子也士庶子衛王宮者若今時之  
饗衛士矣王制曰周人養國老於東膠養庶老於虞庠

師役則掌其其獻賜脯肉之事

獻謂酌其長帥  
○帥色類反

凡小喪紀陳其鼎俎而實之

謂喪事  
之奠祭

亨人掌其鼎鑊以給水火之齊

鑊所以煮肉及魚腊之器既孰乃香  
于鼎齊多少之量○齊才細反注同

職外內饗之爨亨煮辨膳羞之物。

職在也爨今之竈主於其竈煮物○爨七亂反

祭祀共大羹鉶羹賓客亦如之。

大羹肉湆鄉司農云大羹不致五味也。鉶羹加鹽菜矣○羹音庚湆去及反

甸師掌帥其屬而耕耨王藉以時入之以共盥盛。

其屬府史胥徒也耨芸芋也王以孟春躬耕帝藉天子三推三公五推卿諸侯九推庶人終於千畝庶人謂徒三百人藉之言借也王一耕之而使庶人芸芋終之盥盛祭祀所用穀也案稷也穀者稷為長是以名云在器曰盛○盥音資芋音子雜出誰反又他回反

祭祀共蕭茅。

鄭大夫云蕭字或為蔞蔞讀為縮束茅之祭前沃酒其上酒滲下去若神飲之故謂之縮縮浚也故序桓公責楚不貢苞茅王祭不共無以縮酒杜子春謂為蕭蕭香蒿也玄謂詩所云取蕭祭脂事特牲云蕭合黍稷臭陽達於牆屋故既薦然後納蕭合馨香合馨香者是蕭之謂也茅以其祭之苴亦以縮酒苴以藉祭縮酒沙酒也醴齊縮酌○茵所六反滲所鳩反浚荀閏反炳如悅反苴音租沙于禮反齊才細反

其野果旅之薦。

甸在遠郊之外外曰野果桃李之屬旅瓜瓠之屬○旅力果反瓠大結反

喪事代王受青菽。

黍盛者祭祀之主也今國遭大喪若云此黍稷不馨使鬼神不逞于王既殯犬祖作禱辭授甸人使以禱藉田之神受青菽俎殃

王之同姓有皇則死刑焉。

鄭司農云：同姓有罪當刑者，斷其獄於甸師之官也。文王世子曰：公族有死，罪則斃於甸人，又曰：公族無官刑，獄成，致刑于甸人。又曰：公族無官刑，不踐其類也。刑于隱者，不與國人慮兄弟。

帥其徒以新蒸，役外內饗之事。

役，為給役也。木大曰薪，小曰蒸。

獸人掌豎田獸，辨其名物。

豎，罔也。以罔搏所當田之獸。

冬獻狼，夏獻麋，春秋獻獸物。

狼，膏豕，麋，膏散，羆，則溫，散則涼，以救時之苦也。獸物，凡獸皆可獻也。及狐狸。

時田則守畧。

備獸闕獲，○獲俱。捕反，又俱碧反。

及弊田，令禽注於虞中。

弊，什也。什而田止。鄭司農云：弊田，謂春火弊，夏車弊，秋羅弊，冬徒弊。虞中，謂虞人釐所田之野。及弊田，植虞旗於其中，致禽而毋為。獸人主令田，衆得禽者，置虞人所立虞旗之中，當以給四時社廟之祭。故曰：春獻禽以祭社，夏獻禽以享禴，秋獻禽以祀，冬獻禽以享烝。又曰：大獸公之，小禽私之。公之，謂輸之於虞中。耳取左耳，以致功。若斬首折骸，故春秋傳曰：以數軍實。○什音十反，又音赴。聲音來本亦作豎。珥如志反。祊音方。馘古獲反。

凡祭祀，喪紀，賓客，其其歠獸生獸。

其其，完者。

周禮

卷四 冢宰治官之職

八

禮記

凡獸入于腊人。

當乾之。

皮毛筋角入于玉府。

器作

凡田獸者掌其政令。

敝人掌以時敝為梁。

月令季冬命漁師為梁鄭司農云梁水偃也偃水為關空以筒承其空詩曰敝笱在梁○敝音漁空咸音孔

春獻王鮪。

王鮪鮪之大者月令季春薦鮪于寢廟○鮪立軌反

辨魚物為鱻蕘以其玉膳羞。

鮮生也蕘乾也○鱻音鮮蕘本又作稿

凡祭祀賓客喪紀共其魚之鱻蕘凡敝者掌其政令凡敝征入于

玉府。

鄭司農云漁征漁者之租稅漁人主收之入于玉府

鼈人掌取互物。

鄭司農云互物謂有甲青胡龜鼈之屬○蒲莫于反

以時籍魚鼈龜蜃凡狸物。

蜃大蛤鄭司農云籍謂以杖刺泥中搏取之狸物龜鼈之屬自狸藏伏於泥中者玄謂狸物亦謂鱉刀舍兼之屬○籍勅角反

司禮

卷四

冢宰治官之職

一

水長堂

狸莫皆反  
叔音又

春獻鼈。秋獻龜魚。

此其出在淺處可得  
之時魚亦謂自裡藏

祭祀共廔。贏蜺以授醯人。

贏。蜺。蜺。鄭司農云。勝蛤也。杜子春云。廔。蟬也。蜺。蜺子。國語曰。蠶  
舍蜺。蜺。○廔。薄佳反。贏。郎戈反。蜺。直其反。蜺音夷。蜺音由。蜺字  
又作蜺。蒲項反。蜺宜綺  
反舍音捨。蜺悅全反

掌凡邦之籍事。

腊人掌乾肉。凡田獸之脯腊。膾腊之事。

大物解肆乾之謂之乾肉。若今涼州烏翅矣。薄折曰膾。極  
之而施。薑桂曰綴。修腊。小物全乾。○肆。勑力反。極之。藥反

凡祭祀共豆脯。薦脯。膾腊。凡腊物。

脯非豆實。豆當薦。籩。聲之誤也。鄭司農云。膾。膾肉。鄭大夫云。脯  
讀為判。杜子春讀。脯為版。又云。膾。膾。皆謂夾脊肉。又云。禮家以  
脯為半體。玄。謂公食大夫禮曰。庶羞皆有。大者。此據肉之所擬  
祭者也。又引有司曰。主人亦一魚。加膾祭于其上。此據主人擬  
祭者。膾與大亦一也。內則曰。虞。鹿田豕。膾皆有。膾。足相參。止也  
大者。歲之大。膾。膾者。魚之反。膾。膾。又許曰。大。二者同矣。則見膾  
之。膾肉。大膾。膾宜為膾。而膾。膾之言。片也。析肉意也。禮固。有膾  
膾。膾。雖其有為。孰之。皆先制。乃亨。○豆音羞。膾。膾。音半。反。食音嗣  
膾。京倫反。膾。方服反。膾。而  
甚。反。膾。徐廉反。亨。普庚反

賓客喪紀。共其脯腊。凡乾肉之事。

周禮卷四 終

周禮

卷四 冢宰治官之職

十

天寶堂

--	--	--	--	--	--	--	--	--	--	--	--	--	--	--

周禮卷五

漢大司農北海鄭

玄註

皇明 後學東吳金

蟠訂

天官冢宰下

醫師掌醫之政令聚毒藥以共醫事

毒藥藥之辛苦者藥之物恒多毒孟子曰若藥不順眩厥疾不廖○曠眠見反瘰物留反

凡邦之有疾病者死瘍者造焉則使醫分而治之

死頭瘍亦謂禿也身傷曰瘍分之者醫各有能○死威匹婢反徐芳辭反瘍音羊造七報反

歲終則稽其醫事以制其食十全為上十失一次之十失二次之

周禮

卷五 冢宰治官之職

一

承襲堂

十失三次之十失四為下。

食祿也全猶愈也以失四為下者五則半矣或不治自愈

食醫掌和王之六食六飲六膳百毒百藥八珍之齊。

和調也○食音嗣齊才細反下皆同

凡食齊眡春時。

宜溫○眡音視

羹齊眡夏時。

羹宜○朝

醬齊眡秋時。

醬宜涼

飲齊眡冬時。

飲宜寒

凡和春多酸夏多苦秋多辛冬多鹹調以滑甘。

各尚其時味而甘以成之猶水火金木之載於土內則曰稟稟餘密以甘之董葦粉榆燒稿滲漉以滑之○和胡臥反餘以之反董音謹葦音祖粉符云反燒音問滲思酒反漉相藥反

凡會膳食之宜牛宜稌羊宜黍豕宜稷犬宜粱鴈宜麥魚宜菰。

會成也謂其味相成鄭司農云稌稷也爾雅曰稌稻菰胡也○稌音杜菰音瓜稷本亦作稭音庚

凡君子之食恒放焉。

用豐

家宰治官之職

二

水廣堂

放猶依也，放甫作反。

疾醫掌養萬民之疾病。四時皆有癘疾。春時有疔首疾。夏時有疥。秋時有癘寒疾。冬時有嗽。上氣疾。

癘疾，氣不和之疾。疔，酸削也。首疾，頭痛也。嗽，欬也。上氣，逆喘也。五行傳曰：六癘作見。○瘡音消。疥音介。嗽西豆反。上時掌反。注同。款若代反。端目反。反見賢遍反。

以五味五穀五藥養其病。

養，猶治也。病由氣勝負而生，攻其贏，養其不足者。五味，醴酒、飴、蜜、薑、鹽之屬。五穀，麻、黍、稷、麥、豆也。五藥，草木蟲石藥也。其治合之齊，則存乎神農子儀之術云。○贏音盈。後不自者，同合如字。又音闕。

以五氣五聲五色眡其死生。

三者，劇易之徵見於外者。五氣，五藏所出氣也。肺氣熱，心氣火，肝氣涼，脾氣溫，腎氣寒。五聲，言語宮商角徵羽也。五色，面觀青赤黃白黑也。察其盈虛休王。吉凶可知。審用此者，莫若扁鵲倉公。○易以豉反。藏才浪反。下同。微張里反。王往况反。

兩之以九竅之變，參之以九藏之動。

兩參之者，以觀其死生之驗。竅之變，謂開閉非常。陽竅七，陰竅二。藏之動，謂脉至與不至。正藏五，有胃膀胱大腸小腸脉之。大候要在陽明寸口，能專是者，其唯秦和乎。歧伯、榆拊，則兼彼數術者。○歧其宜反。榆羊朱反。本亦作俞。拊劉音附。

凡民之有疾病者，分而治之。死終則各書其所以而入于醫師。

少者曰死，老者曰終。所以謂治之不愈之狀也。醫師得以制其祿，且為後治之戒。○少詩照反。

瘍醫掌腫瘍潰瘍金瘍折瘍之祝藥，劑殺之齊。

腫瘍，疔也。而，上生創也。潰瘍，靡而含膿血者。金瘍，亦創也。折瘍，跌跌者，謂當為注。讀如注病之注。聲之誤也。注，謂附著藥劑，刮去。

司豐

卷五 冢宰治官之職

三

天懷堂



膿血殺謂以藥食其惡肉。折時設反視之。樹反。副音刮。齊才。細反。創初良反。跪於阮反。跌待結反。著音豬。啐反。去。羗呂反。

凡療瘍以五毒攻之。

止病曰療。攻治也。五毒五藥之有毒者。今醫方有五毒之藥。作之合黃。墜置石。膽丹砂。雄黃。礬石。慈石。其中燒之三日。三夜。其煙上著。以鷄羽掃取之。以注創。惡肉破骨。則盡出。整本又作整。徐音母。又音務。舉音豫。著直略反。

以五氣養之以五藥療之以五味節之。

既刮殺而攻盡其宿肉。乃養之也。五氣當為五穀。字之誤也。節節成其藥之力。五氣氣音穀。出注。

凡藥以酸養骨以辛養筋以鹹養脉以苦養氣以甘養肉以滑養

竅。以類相養也。酸木味。木根立地中似骨。辛金味。金之纏合異物。似筋。鹹水味。水之流行地中似脉。苦火味。火出入無形似氣。其

土味。土含載四者似肉。滑滑石也。凡諸滑物通利往來似竅。

凡有瘍者受其藥焉。

獸醫掌療獸病療獸瘍。

畜獸之疾病及瘍療。同醫。畜許又反。

凡療獸病灌而行之以節之以動其氣觀其所發而養之。

療畜獸必灌行之者。為其病狀難知。灌以緩之。且強其氣也。節趨聚之節也。氣謂脉氣。既行之。乃以脉視之。以知所病。為于偽反。聚本亦作驟。同仕救反。

凡療獸瘍灌而劑之以發其惡然後藥之養之食之。

亦先攻之而後養之。食音嗣。

凡獸之有病者有瘍者使療之。死則計其數以進退之。

酒正掌酒之政令以式灋授酒材

式法作酒之法式作酒既有米麴之數又有功沽之巧月令曰乃命大酋秣稭必齊麴麴必時湛醴必潔水泉必香陶器必良火齊必得鄭司農云授酒人以其材。酋將由反下同秣音速齊才細反麴魚列反湛接廉反醴昌志反

凡為公酒者亦如之

謂鄉射飲酒以公事作酒者亦以式法及酒材授之使自釀之。釀女亮反

辨五齊之名。一曰泛齊。二曰醴齊。三曰盎齊。四曰緹齊。五曰沈齊。

泛者成而浮浮泛泛然如今宜成醴矣醴猶體也成而汁浮相將如今恬酒矣盎猶翁也成而翁翁然葱白色如今鄭白矣緹者成而紅赤如今下酒矣沈者成而滓沈如今造清矣自醴以上尤濁縮酌者益以下差清其象類則然古之法式未可盡闡

杜子春讀齊皆為桑又禮器曰緹酒之用玄酒之尚玄謂齊者每有祭祀以度量節作之。緹音醴醴魯刀反翁鳴動反下同鄭宜作醴在何反差初賣反

辨三酒之物。一曰事酒。二曰昔酒。三曰清酒。

鄭司農云事酒有事而飲也昔酒無事而飲也清酒祭祀之酒玄謂事酒附有事者之酒其酒則今之醴酒也昔酒今之酋久白酒所謂舊醴者也清酒今中山冬釀接夏而成。釀音亦

辨四飲之物。一曰清。二曰醫。三曰漿。四曰醢。

清謂醴之清者醫內則所謂或以醢為醴凡醴濁醢醢為之則少清矣醫之字從殿從酉省也漿今之蘇漿也醢今之粥內則有黍醢醢飲粥稀者之清也鄭司農說以內則曰飲重醴稻醴清酒黍醴清酒梁醴清酒或以醢為醴漿水醢后致飲于賓客之禮有醫醢糟糟音聲與酒相似醫與醢亦相似文字不同記之者各異耳此皆一物。醫於已反醢以攷反沛子醴反下同

辨禮 卷五 家宰治官之職

殿烏兮反。載昨再反。滿音。糟臆本又作臆。於紀反。

掌其厚薄之齊。以共王之四飲三酒之饌。及后世子之飲與其酒。

后世子不言饌。其饋食不必具設之。五齊正用醴。為飲者取禮。恒與酒味異也。其餘四齊味皆似酒。

凡祭祀以濃共五齊三酒。以實八尊。大祭三貳。中祭再貳。小祭壹。

貳皆有酌數。唯齊酒不貳。皆有器量。

酌器所用注尊中者。數量之多少未聞。鄭司農云。三貳三益。副之也。大祭天地。中祭宗廟。小祭五祀。齊酒不貳。為尊者質。不敢飲者益也。杜子春云。齊酒不貳。謂五齊以祭。不益也。其三酒。人所衰衰冕所祭也。中祭者。王服鷩冕。鷩冕所祭也。小祭者。王服大冕。大冕所祭也。三貳再貳。貳者。謂就三酒之尊而益之也。禮運曰。玄酒在室。醴醕在戶。棗醕在堂。澄酒在下。澄酒是三酒也。益之者以飲諸臣。若今常滿尊也。宗祀必用五齊者。至敬不尚。

味而貴多品。為于偽反。噉苦。噉反。鷩必列反。鷩充苒反。苒本又作緇。同張里反。醕制產反。棗才許反。醕音體。本亦作緇。飲於反。鷩。

共賓客之禮酒。共后之致飲于賓客之禮。醫醕糟。皆使其士奉之。

禮。酒王所致酒也。王致酒。后致飲。夫婦之義。糟醫醕。不沖者。亦曰清。不沖曰糟。后致飲。無醕醫醕。不清者。與王同體。屈也。亦因以少為貴。士謂酒人。漿人。奄士。

凡王之燕飲酒。共其計。酒正奉之。

共其計者。獻酬多少。度當足也。故書酒正。無酒字。鄭司農云。正奉之。酒正奉之也。度徒洛反。

凡饗士庶子。饗耆老孤子。皆共其酒。無酌數。

要以醉為度。

掌酒之賜頒皆有灋以行之。

灋尊甲之差

凡有秩酒者以書契授之。

鄭司農云有秩酒者給事中予之酒秩常也常受酒者國語曰至于今秩之玄謂所秩者謂老臣王制曰七十不俟朝八十月告存九十日有秩。朝直遙反。

酒正之出日入其成月入其要小宰聽之。

出謂授酒材及用酒之多少也受用酒者日言其計於酒正酒正月盡言於小宰。

歲終則會唯王及后之飲酒不會以酒式誅賞。

誅賞作酒之善惡者

酒人掌為五齊三酒祭祀則共奉之以役世婦。

世婦謂宮中之官掌女宮之宿戒及祭祀此其具酒人共酒因皆與其奚為世婦役亦官職。此必履反又毗志反。

共賓客之禮酒飲酒而奉之。

酒正使之也禮酒饗燕之酒飲酒食之酒此謂給賓客之稍王不親饗燕不親食而使人各以其爵以剛幣侑幣致之則從而以酒往。親食音嗣。

凡事共酒而入于酒府。

入于酒正之府者是王燕飲之酒酒正當奉之。

凡祭祀共酒以往。

不言奉小祭祀。

明禮

卷五 冢宰治官之職

七

天壤

賓客之陳酒亦如之。

謂若歸饗饋之酒亦自有奉之者以酒從往。

漿人掌共王之六飲水漿醴涼醫醕入于酒府。

王之六飲亦酒正當奉之醴醴清也。鄭司農云涼以水和酒也。玄謂涼今寒粥若糗飯雜水也。酒正不辨水涼者無厚薄之辨。○糗丘酉反。

共賓客之稍禮。

稍禮非發饗之禮。每間王稍所給賓客者。漿人所給亦六飲而已。○間如字徐音淵。

共夫人致飲于賓客之禮清醴醫醕糟而奉之。

亦酒正使之。三物有清有糟。夫人不體土得備之。禮飲醴用柶者糟也。不用柶者清也。○柶音四。

凡飲共之。

謂非食時。

凌人掌冰。正歲十有二月。令斬冰。三其凌。

正歲。季冬。火星中大。寒水方盛之時。春秋傳曰。火星中而寒暑退。凌。冰室也。三之者。為消釋度也。故書正為政。鄭司農云。掌冰。政。主藏冰之政也。杜子春讀掌冰為主冰也。政當為正。正。謂夏正。三其凌。三倍其冰。

春始治鑑。

鑑如甄。大口以盛冰。置食物于中。以禦溫氣。春而始治之。為二月。將獻羔而啓冰。○甄。直僞反。盛音成。為于僞反。

凡外內饗之膳羞鑑焉。凡酒漿之酒醴亦如之。

酒醴。見溫氣亦失味。酒漿。酒人漿人也。

用禮

水正。冢宰治官之職

八

水廣堂

祭祀共冰鑑賓客共冰。

不以鑑往嫌使停瞻羞。

大喪共夷槃冰。

夷之言尸也。實冰于夷槃中。置之尸牀之下。所以寒尸。尸之槃曰夷槃。牀曰夷牀。衾曰夷衾。後尸曰夷于堂。皆依尸而為言者也。漢禮器制度。大槃廣八尺。長丈二尺。深三尺。漆赤中。

夏頒冰掌事。

暑氣盛。王以冰頒賜。則主為之。春秋傳曰。古者日在北陸而藏冰。西陸朝飭而出之。

秋刷。

刷。清也。鄭司農云。刷。除冰室。當更內新冰。玄謂秋涼。冰不用。可以清除其室。刷所勞。反清如字。又才收反。

邊人掌四邊之實。

邊。竹器。如豆者。其容實皆四升。

朝事之邊其實。麇黃白。黑形鹽。臠鮑魚鱠。

黃。臠實也。鄭司農云。朝事謂清朝未食。先進寒具。口實之邊。故麥曰麇。麻曰黃。稻曰白。黍曰黑。菜鹽以為虎形。謂之形鹽。故春秋傳曰。鹽虎形。玄謂以司尊彛之職。參之朝事。謂祭宗廟。薦血腥之事。形鹽。鹽之似虎者。臠。臘生魚為大鱠。鮑者。於福室中糗乾之。出於江淮也。鱠者。折乾之。出東海。王者備物。近者腥之。遠者乾之。因其宜也。今河間以北。煮糧麥賣之。各曰逢。燕人膾魚。方寸。切其腴。以啗所貴。麇。芳弓反。黃。符文反。臠。火吳反。鱠。所求。反。臠。思里反。臘。直。輒反。福。皮。逼反。種。直。龍反。嗜。徒。覽反。

饋食之邊其實。棗栗桃乾。榛榛實。

饋食。薦孰也。今吉禮存者。特牲少牢。諸侯之大夫。上祭禮也。不祿。不薦血腥。而自薦孰。始是以皆云。饋食之禮。乾。榛。乾。梅也。有

周禮

卷五

冢宰治官之職

九

禮記

桃諸梅諸是其乾者榛似栗而小  
○榛音老少詩詔反祿古亂反

加籩之實。菱芡。栗脯。菱芡。栗脯。

加籩謂尸既食后亞獻尸所加之籩重言之者以四物爲八籩  
菱芡也芡雞頭也栗與饋食同鄭司農云菱芡脯脩○菱音陵  
芡音險栗古栗字重直用反芡其寄反

羞籩之實。糗餌粉飧。

羞籩謂若少牢主人酬尸宰夫羞房中之羞于尸侑主人主婦  
皆右之者故書飧作芡鄭司農云糗熬大豆與米也粉豆屑也  
芡字或作飧謂乾餅之也玄謂此二物皆粉稻米黍米所爲  
也合蒸曰餅餅之曰飧糗者搗粉熬大豆爲餅飧之黏著以粉  
之耳餅言糗飧言粉互相足○餅而志  
反飧昨資反爲餅于偽反著直略反

凡祭祀共其籩薦羞之實。

薦羞皆進也未食未飲  
曰薦既食既飲曰羞  
喪事及賓客之事共其薦籩羞籩。

喪事之籩  
謂殷尊時

爲王及后世子共其內羞。

於其飲食以  
共房中之羞


凡籩事掌之。

周禮卷五 終

禮記

卷五 宰治官之職

大司馬



周禮卷六

漢大司農北海鄭 玄註

皇明 後學東吳葛 禹訂

冢宰治官之職

醢人掌四豆之實。朝事之豆。其實韭菹醯醢。昌本麋。藟菁菹。鹿藿。菹。麋藟。

醢肉汁也。昌本昌蒲根。切之四寸為菹。三藟亦醢也。作醢及藟者必先膊乾其肉。乃後莖之。雜以梁麴及鹽。漬以美酒。塗置瓶。中百日。則成矣。鄭司農云。麋藟。麋肝醢也。或曰。麋藟。藟也。有骨為藟。無骨為醢。菁菹。韭菹。鄭大夫讀菹為茅。茅菹。茅初生。或曰。菹水草。杜子春讀菹為卯。玄謂菁。蔓菁也。菹。臭葵也。凡菹醢皆以氣味相成。其狀未聞。○韭音久。菹。莊魚反。醢。吐感反。藟。乃兮。

同禮

冢宰治官之職

示慎堂



反菁作率反弗音卯北人音柳慶京倫反膊音博反莖倉臥反胥戶諫反

饋食之豆其實葵菹藟醢脾析麇醢麇蜆醢豚拍魚醢

藟蜆蚰蜥大蛤蜆蟻子鄭司農云脾所牛百葉也麇蛤也鄭大夫杜子春皆以拍為膊謂脅也或曰豚拍肩也今河間各豚脅聲如銀鑄○藟力禾反脾婢支反麇蒲佳反屋市軫反拍音博蜆音移蚰音掄蜆魚綺反膊音搏

加豆之實芹菹兔醢淡蒲醢醢涪菹鴈醢筍菹魚醢

芹楚葵也鄭司農云淡蒲蒲蕪入水漬故曰淡蒲或曰淡蒲桑耳醢醢肉醬也筍水中魚衣故書屬或為鶉杜子春云當為鴈玄謂淡蒲蒲始生水水中于筍箭蕪竹筍竹華○涪音逆筍息尹反鶉音弱

羞豆之實醢食糝食

鄭司農云醢食以酒醢為餅糝食菜使蒸玄謂醢糝也內則曰取稻米舉極溲之小切狼臠膏以與稻米為糝又曰糝取牛羊

豕之肉三如一、小切之、與稻米稻米二、肉一、合以為餌煎之、○醢食音嗣糝素威反糝之然反糝思柳反溲所柳反臠昌蜀反栗一音

凡祭祀共薦羞之豆實賓客喪紀亦如之為王及后世子共其內羞。王舉則共醢六十甕以五齊七醢七菹三鶉實之

齊當為齏五齏昌本脾析脰豚拍淡蒲也七醢醢藟麇蜆魚兔鴈醢七菹韭菁菹葵芹筍筍菹三鶉麇鹿麇鶉也凡醢醬所和細切為齏全物若臠為菹少儀曰麇鹿為菹野豕為軒皆臠而不切麇為辟雞兔為宛脾皆臠而切之切葱若醢實之醢以柔之由此言之則齏菹之稱菜肉通○為王于偽反齊子西反下同臠直輒反少儀詩照反軒音獻辟必亦反

賓客之禮共醢五十甕

致饗饋時

凡事共醢。

醢人掌共五齊七菹。凡醢物以共祭祀之齊菹。凡醢醬之物賓客亦如之。

齊菹醬屬醢人者皆須醢成味。○齊子考反下皆同。

王舉則共齊菹醢物六十壘。共后及世子之醬齊菹賓客之禮。共醢五十壘。凡事共醢。

鹽人掌鹽之政令以共百事之鹽。

政令謂受人教所處置求者所當得。

祭祀共其苦鹽散鹽。

杜子春讀苦為鹽謂出鹽直用不凍治鄭司農云散鹽凍治者玄謂散鹽為水為鹽。○散悉但反凍音練驚音煮鹽音古。

賓客共其形鹽散鹽。

王之膳羞共飴鹽后及世子亦如之。

飴鹽鹽之五。○有今戎鹽有焉。

凡齊事驚鹽以待戒令。

齊事和五味之車驚鹽凍治之。○齊才細反。

冢人掌共巾冢。

共巾可以覆物。○冢莫歷反。

禮記卷之六 冢宰治官之職 三 承慶堂

祭祀以疏布巾冪八尊

以疏布者天地之神尚質

以畫布巾冪六彝

宗廟可以文畫者畫其雲氣也

凡王巾皆黼

四飲三酒皆畫黼周尚武其用文德則黻可

宮人掌王之六寢之脩

六寢者路寢一、小寢五、玉藻曰朝辨色始入君日出而視朝退適路寢聽政使人視大夫大夫退然後適小寢釋服是路寢以治事小寢以時燕息焉春秋書魯莊公聽于路寢信公聽于小寢是則人君非一寢明矣○朝直廷反

為其井匾除其不蠲去其惡臭

井漏井所以受水潦蠲猶潔也詩云古蠲為之鄭司農云匾路廁也玄謂匾猶謂雷下之池受畜水而流之○匾於建反蠲古玄反去起呂反餘尺志反雷力救反畜救六反

共王之沐浴

沐浴所以自潔清

凡寢中之事埽除執燭共鑪炭凡勞事

勞事勞藝之事

四方之舍事亦如之

從王適四方及會同所舍

掌舍掌王之會同之舍設柱桓再重

故書桓為桓鄭司農云柱桓柱也桓受居溜水以豪者也杜子春讀為柱桓柱桓謂行馬玄謂行馬再重者以以衛有外內列○柱步禮反桓戶故反重直龍反桓音矩溜力救反凍色遘反

設車宮轅門

謂王行止宿阻險之處備非常次亦以為藩則仰車以其轅表門

為壇遺宮棘門

謂王行止宿平地築壇又委壘土起墼埽以為宮鄭司農云棘門以戟為門杜子春云棘門或為材門○遺唯季及埽音劣

為帷宮設旌門

謂王行畫止有所展肆若食息張帷為宮則樹旌以表門

無宮則共

謂王行在閒逢遇若住遊觀陳列周衛則立長大之人以表門○觀工喚反

凡舍事則掌

王行所舍止

幕人掌帷幕幄布綬之事

王出宮則有是事在旁曰帷在上曰幕幕或在地展陳于上帷幕皆以為之四合象宮室曰幄于所居之帳也鄭司農云亦平帳也○承塵○皆以繒為之凡四物者以綬連繫焉○布音亦

凡朝覲

軍旅田役祭祀共其帷幕幄布綬

次當以

周禮

卷六 冢宰治官之職

五

禮記

天喪共

綬

為寢室與幕張

也。帷以帷堂或於庭，亦在楹上。

三公及卿

大夫之喪共其帟。

唯士無

帟。王有惠則賜之，君於士有賜帟。

掌次掌

次之灋以待張事。

灋，大也。丈尺。

王大旅：帝則張氈案，設皇邸。

大旅，一帝祭天於圓丘，國有故而祭亦曰旅。此以旅見祀也。張氈案，以氈為牀於幄中，鄭司農云：皇羽覆上邸，後版也。玄謂後版屏風與染羽象鳳皇羽，色以備之。邸當禮反。

朝日祀五帝，則張大次小次，設重帟重案，合諸侯亦如之。

朝日，春分拜日於東門之外，祀五帝於四郊，次謂幄也。大幄初往所止居也。小幄謂接祭退俟之處。祭義曰：周人祭日以朝及闕，雖有強力，孰能支之。是以退俟，與諸臣代有車馬，合諸侯於壇。王亦以時休息，重帟復帟重案，牀重席也。鄭司農云：五帝，五色之帝。朝直遙反。注同。

師田則張幕，設重帟重案。

不張幄者，於是臨誓。衆王或回顧占祭。

諸侯朝覲會同，則張大次小次。

大次亦初往所止居。小次即宮待事之處。

師田則張幕設案。

周禮

卷六 冢宰治官之職

大司馬

鄭司農云師田謂諸侯相與師田文謂此掌次張之諸侯從王而師田者

孤卿有邦事則張幕設案

有邦事謂以事從王若以王命出也孤王之孤三人副三公論道者不言公公如諸侯禮從王祭祀合諸侯張大夫小次師田亦張幕設案

凡喪王則張帟三重諸侯再重孤卿大夫不重

張帟帟上承塵

凡祭祀張其旅幕張尸次

旅衆也公卿以下卽位所祭祀之門外以待事爲之張大幕尸則有帳鄭司農云尸次祭祀之尸所居更衣帳爲于僞

射則張耦次

耦俱升射者次在洗東大射曰遂命三耦取弓矢于次

掌凡邦之張事

天府掌九貢九賦九功之貳以受其貨賄之入頒其貨于受藏之

府頒其賄于受用之府

九功謂九職也受藏之府若內府也受用之府若職內也凡貨賄皆藏以給用耳良者以給王之用其餘以給國之用或言受藏或言受用又雜言貨賄皆互文藏才浪反注受藏同

凡官府都鄙之吏及執事者受財用焉

凡頒財以式灋授之關市之賦以待王之膳服邦中之賦以待賓

客四郊之賦以待稍秣家削之賦以待匪頒邦甸之賦以待工事

邦縣之賦以待幣帛。邦都之賦以待祭祀。山澤之賦以待喪紀。幣餘之賦以待賜予。

待猶給也。此九賦之財給九式者。膳服即羞服也。稍秣即芻秣也。謂之稍稍用之物也。喪紀即喪荒也。賜予即好用也。節司農云。幣餘使者有餘來還也。玄謂幣餘占賣國之斥幣。秣音未。好呼報。反下同。使色吏反。

凡邦國之貢以待弔用。

此九貢之財所給也。給弔用。給凶禮之五事。

凡萬民之貢以充府庫。

此九職之財。充猶足。

凡式貢之餘財以共玩好之用。

凡邦之賦用取具焉。  
賦用。謂先給九式及弔用。足府庫而有餘財。乃可以共玩好。明玩好非治國之用。言式言貢。互文。

歲終則以貨賄之人出會之。

玉府掌王之金玉玩好兵器。凡良貨賄之藏。

良善也。此物皆式貢之餘財所作。其不良。又有受而藏之者。好呼報。反。藏才。反。注同。

共王之服玉佩玉珠玉。

佩玉者。工之所帶者。玉。藻曰。君子於玉比德焉。天子佩白玉而玄組紱。詩傳曰。佩玉。上有蔥衡。下有雙璫。衛牙。瑱珠。以納其間。鄭司農云。服玉。冠飾。十二玉。瑱音類。

王齊則共食玉

玉是陽精之純者食之以禦水氣鄭司農云王齊當食玉屑

大喪共合玉復衣裳角枕角柶

角枕以枕尸鄭司農云復招魂也衣裳生時服招魂復魄于太廟至四郊角柶角七也以柶齒士喪禮曰柶齒用角柶柶齒者令可飯合玄謂復於四郊以緘○合戶暗反柶先結反令力呈反飯扶晚反

掌王之燕衣服衽席牀第凡褻器

燕衣服者巾絮寒衣袍釋之屬皆良貨賄所成第簀也鄭司農云衽席衽席也褻器清器虎子之屬○衽而甚反第側美反釋劉音澤

若合諸侯則共珠槃玉敦

敦槃類珠玉以為飾古者以饗盛血以敦盛食合諸侯者必剝牛耳取其血飲之以盟珠槃以盛牛耳尸盟者執之故書珠為夷鄭司農云夷槃或為珠槃玉敦飲血玉器敦音對徐丁雷反盛音成飲色洽反

凡王之獻金玉兵器文織良貨賄之物受而藏之

謂百工為王所作可以獻遺諸侯古者致物於人尊之則曰獻通行曰饋春秋曰齊侯來獻戎捷尊魯也文織畫及繡錦○織音志為于偽反遺唯季反

凡王的好賜共其貨賄

內府掌受九貢九賦九功之貨賄良兵良器以待邦之大用

大用朝覲之頒賜

凡四方之幣獻之金玉齒革兵器凡良貨賄入焉

司禮

家宰治官之職

上

大禮堂



諸侯朝聘所獻國珍

凡適四方使者共其所受之物而奉之。

王所以遺諸侯者使所吏反

凡王及冢宰之好賜予則共之。

冢宰待四方賓客之小治或有所善亦賜予之

外府掌邦布之入出以共百物而待邦之用凡有灋者。

布泉也布讀為宜布之布其藏曰泉其行曰布取名於水泉其流行無不徧入出謂受之復出之共百物者或作之或買之待猶給也。有法百官之公用也。泉始蓋品。周景王鑄大泉而有異品後數變易不復識本制至漢惟有五銖久行王莽改鑄而異作泉布多至十品今存於民間多者有貨布大泉貨泉貨布長二尺五寸廣丈首長八分有奇廣八分其圓如徑二分半足

枝長八分其右文曰貨左文曰布重二十五銖直貨泉二十五大泉徑一寸二分重十二銖文曰大泉直十五貨泉貨泉徑一寸重五銖右文曰貨左文曰泉直一也數音朔奇紀宜反

共王及后世子之衣服之用凡祭祀賓客喪紀會同軍旅共其財用之幣齋賜予之財用。

齋行道之財用也聘禮曰問幾月之齋鄭司農云齋或為資今禮家定齋作資玄謂齋資同耳其字以齊次為聲從具變易古字亦多或

凡邦之小用皆受焉。

皆來受

歲終則會唯王及后之服不會。

司禮

冢宰治官之禮

卜

衣襲堂

司會掌邦之六典八灋八則之貳以逆邦國都鄙官府之治

逆受而  
鉤考之

以九貢之灋致邦國之財用以九賦之灋令田野之財用以九功之灋令民職之財用以九式之灋均節邦之財用掌國之官府郊野縣都之百物財用凡在書契版圖者之貳以逆羣吏之治而聽其會計

郊四郊去國百里野甸稍也甸去國二百里稍三百里縣四百里都五百里書謂簿書契其最凡也版戶籍也圖土地形象田狹地廣

以參互攷日成以月要攷月成以歲會攷歲成

以周知四國之治以詔王及冢宰廢置

周猶徧也言四國者本逆  
邦國之治亦鉤考以告

參互謂司書之要事與職內之入職歲之出  
故書互為巨杜子春讀為參互攷音考


周禮卷六

司禮

冢宰治官之職

七

天官



月  
名  
二  
永  
枕喜  
...

枕喜

...

終

